

Merubah idea menjadi realiti

UB 20.2.2014 B2

TANGGAL 24 November 1994 menjadi detik keramat buat seluruh warga Negeri Di Bawah Bayu apabila Perdana Menteri pada ketika itu, Tun Dr Mahathir Mohammad, dalam satu Majlis Perhimpunan Bersama Rakyat melaungkan pengisytiharan penubuhan sebuah universiti awam di Sabah.

Bertempat di Padang Pekan Beaufort, pengumuman itu disambut dengan sorakan penuh kegembiraan para ibu bapa dalam ucap syukur dan linangan air mata sambil membayangkan masa depan anak-anak yang semakin cerah dalam mengubah nasib keluarga.

Lantas, penubuhan universiti itu yang kemudiannya dinamakan Universiti Malaysia Sabah (UMS) mulai menjadi tumpuan anak-anak watan dalam meneroka ilmu dengan berpaksikan motto Bertekad Cemerlang.

Tatkala itu, UMS baharu bertatit dengan tiga buah sekolah dan satu pusat iaitu Sekolah Sains dan Teknologi, Sekolah Kejuruteraan dan Teknologi Maklumat, Sekolah Perniagaan dan Ekonomi serta Pusat Penataran Ilmu dan Bahasa. Universiti ini terus meniti detik dan waktu dalam proses menerima dan melahirkan graduan di samping mengalami pelbagai evolusi seiring dengan usianya yang genap 20 tahun menjelang November tahun ini.

Muktahir ini, UMS mempunyai 13 buah sekolah, 16 pusat penyelidikan dan dua kampus cawangan di Labuan dan Sandakan. Menengah usia dua dekad ini juga, UMS berjaya melahirkan seramai 46,318 graduan dalam pelbagai bidang dengan purata kemasukan pelajar baharu seramai 4,000 orang setahun.

UMS dimantapkan dengan barisan tenaga pengajar seramai 936 orang dan dibantu oleh kakitangan pengurusan dan profesional serta kakitangan sokongan pelaksana seramai 1,726 orang yang sentiasa bertungkus lumus, berdedikasi, ikhlas bekerja demi satu arah satu tujuan untuk

manfaat anak bangsa. Statistik pada tahun 2013 juga menunjukkan hampir 40 peratus pelajar UMS diambil bekerja dalam masa beberapa bulan selepas memperoleh ijazah. Ini bermakna, menjelang hujung tahun, semakin bertambah bilangan dan peratus graduan diambil bekerja.

Statistik pekerjaan pada tahun-tahun sebelumnya juga dalam jumlah peratusan yang hampir sama. Buktiinya, ke mana sahaja tempat di seluruh Malaysia, pasti akan bertemu dengan alumni UMS sama ada yang bekerja di agensi kerajaan, sektor korporat mahupun mempunyai syarikat sendiri.

Pencapaian ini tidak mampu dicapai tanpa sumbangan yang tidak ternilai daripada setiap warga UMS yang selama ini bertungkus lumus mencurahkan bakti dan khidmat dalam memartabatkan kesjaranaan keilmuan, menghasilkan penyelidikan yang berimpak tinggi, membangunkan komuniti melalui khidmat masyarakat serta usaha mendidik minda, peribadi berintegriti, akhlak serta rohani anak bangsa.

Lantas, UMS kini terus 'berlari', melalui usaha-usaha mencorakkan idea menjadi realiti dan lebih fokus mencapai matlamat melestarikan kecemerlangan universiti.

Sejak pelaksanaan Pelan Strategik Pendidikan Tinggi Negara (PSPTN) yang digubal pada tahun 2007, banyak perubahan dalam sektor pendidikan berlaku, antaranya universiti menjalani Audit Pencapaian Akademik oleh Malaysian Qualification Agency (MQA), dua penilaian tahap pengajaran dan pembelajaran SETARA pada tahun 2009 dan 2011, Malaysian Research Assessment (MyRA) pada tahun 2011 dan juga Skala Kemahiran Insaniah Malaysia (My3s).

Setiap tahun UMS dinilai, namun berkat usaha dan kerjasama bersepadu, universiti ekokampus itu berjaya memenuhi keperluan yang ditetapkan oleh kerajaan.

Langkah proaktif juga diambil untuk melaksanakan segala yang direncanakan dalam

dasar itu dan direalisasikan melalui Pelan Strategik UMS 2008, Blazing a Trail for Higher Education in Sabah: The Strategic Plan for UMS towards 2020 and Beyond.

Bagi memantapkan lagi hala tuju universiti, UMS di bawah pucuk pimpinan Naib Canselor Prof Datuk Dr Mohd Harun Abdullah menggubal satu lagi pelan tindakan strategik pada tahun lalu yang dinamakan Universiti Malaysia Sabah Strategic Plan 2013-2017: Sustaining Excellence towards International Prominence.

Pelan strategik ini mengandungi tujuh tujuhan strategik utama yang setiap satunya dinilai mengikut Petunjuk Prestasi Utama (KPI) bertujuan memastikan UMS sentiasa melakukan penambahbaikan berterusan.

Tujuh Bidang Keberhasilan Utama (UMS KRA 2013-2017) itu merangkumi: Mempertingkatkan kecemerlangan pengajaran dan pembelajaran; Mempertingkatkan kecemerlangan penyelidikan dan inovasi; Mempertingkatkan keterlihatan dan reputasi di peringkat antarabangsa; Memperkukuhkan tabdir urus, kepimpinan dan sistem penyampaian; Mempertingkat kelestarian kewangan; Mempertingkatkan libat sama masyarakat dan industri; dan Menyumbang kepada kelestarian alam sekitar.

Tanggungjawab meletakkan UMS setaraf dengan universiti ulung dunia dan dikenali di persada antarabangsa adalah satu lagi cabaran yang kini perlu digalas. Antara langkah-langkah yang telah diambil oleh UMS adalah menjalinkan kerjasama MoU dalam bidang penyelidikan marin dengan National University of Singapore (NUS).

Begitu juga The International School of Environmental Education Foundation Korea yang ingin bekerjasama menubuhkan sebuah cawangan di UMS dalam bidang pendidikan alam sekitar berkaitan tropical biodiversity, ecoculture dan alam sekitar.

Tidak ketinggalan



PELAJAR sedang membuat penyelidikan.

tujuan ini,

sejajar dengan penggabungan semula Kementerian Pelajaran Malaysia (KPM) dan Kementerian Pengajian Tinggi (KPT), UMS juga mengambil peluang ini untuk berkongsi sumber, kepakaran dan pengalaman dalam memantapkan sektor pendidikan negara bermula dari peringkat prasekolah sehinggalah ke universiti. Salah satu langkah dalam usaha mengeratkan hubungan kerjasama ini adalah penganjuran Kuiz dan Pidato Sejarah Sekolah Peringkat Negeri Sabah yang dianjurkan oleh UMS, Jabatan Pendidikan Negeri, Majlis Pengetua-Pengetua Sekolah Sabah, Arkib Negara dan Muzium pada tahun ini. Pertandingan ini bertujuan menyuntik minat dan kesedaran sejarah dalam kalangan pelajar sekolah kerana mata pelajaran Sejarah adalah subjek wajib lulus.

Universiti ini turut memupuk environmental citizenship sekali gus menyumbang kepada kelestarian alam sekitar di peringkat nasional dan global. Sebuah pusat pengurusan yang dikenali sebagai Pusat Pengurusan EkoKampus ditubuhkan pada tahun lepas dan kini telah menampakkan hasilnya.

Bagi meningkatkan mutu kerjasama dengan pihak swasta untuk membangunkan sebuah pusat kitar semula dalam kampus. Langkah seterusnya, universiti perlu merealisasikan bagaimana aspek mesra alam dari segi pengangkutan dalam kampus, pengurusan dan penjimatan air dan elektrik, penyelenggaraan bangunan dan pembangunan landskap serta kesedaran kelestarian alam sekitar dapat dilaksanakan. Langkah-langkah ini secara tidak langsung dapat meningkatkan penjimatan kos operasi UMS.

Dalam usaha melaksanakan polisi dan pengetahuan dalam pemuliharaan alam sekitar di negeri ini melalui penyelidikan serta khidmat perundingan, UMS turut menjadi rakan penyelidik utama dalam program the Bornean Biodiversity and Ecosystems Conservation (BBEC) di Sabah. Ia adalah kerjasama selama 10 tahun bersama Taman-taman Sabah dan Japan International Cooperation Agency (JICA). Kajian BBEC ini melibatkan kajian sains tabii dan sosial. Hasil dari kerjasama itu, ramai graduan sarjana dan doktor falsafah yang telah dihasilkan dalam menambah pengetahuan dan kesediaan Sabah untuk menyumbang dalam polisi pemuliharaan bila diperlukan.

Tambahan lagi, pada Disember tahun lalu, UMS maju setapak ke hadapan apabila dihubungi oleh Korean International School for Environmental Conservation (ISEE) yang ingin menubuhkan sekolah lapangan di Sabah dengan kerjasama UMS. Perundingan berjalan lancar

serta mendapat sokongan penuh daripada Taman-Taman Sabah. Bahawasanya, UMS sentiasa aktif dalam menyokong inisiatif yang dijalankan oleh komuniti setempat berhubung aspek memulihara budaya dalam kepelbagaian biologi.

Sebuah komuniti di Kota Belud yang dibiayai oleh United Nations Development Programme (UNDP) sedang bekerjasama, yakni pihak UMS bertindak sebagai penasihat dalam usaha memulihara budaya serta kepelbagaian biologi dan persekitaran mereka.

Menariknya, komuniti itu mengaggap budaya dan biologi sebenarnya berkait dan bukannya terpisah. Para pelajar dan kakitangan UMS akan terus memberikan sokongan yang sewajarnya pada program ini.

Sesungguhnya, kewujudan Universiti Malaysia Sabah merencanakan pertumbuhan ekonomi dan pembangunan di negeri Sabah. Lihat sahaja di sekitar UMS, pembangunan bandar baharu giat dijalankan.

Oleh itu, Naib Canselor UMS turut menggesa agar seluruh warga universiti meningkatkan usaha dengan menceburi bidang-bidang relevan dan kompetitif. Penglibatan masyarakat dan pihak industri dalam UMS juga perlu digiatkan agar wujudnya penganaliran ilmu.

Dalam konteks ini, Kerajaan Negeri Sabah melalui Unit Perancang Ekonomi Negeri Sabah (UPEN) meminta UMS mengetuai Kumpulan Kerja Teknikal bagi merangka pelan tindakan pembangunan ekonomi negeri dalam Teras 1: Merekayasa Pertumbuhan Ekonomi Negeri Sabah (UPEN) meminta UMS mengetuai Kumpulan Kerja Teknikal bagi merangka pelan tindakan pembangunan ekonomi negeri dalam Teras 1: Merekayasa Pertumbuhan Ekonomi Negeri Sabah (UPEN) meminta UMS mengetuai Kumpulan Kerja Teknikal bagi merangka pelan tindakan pembangunan ekonomi negeri dalam Teras 1: Merekayasa Pertumbuhan Ekonomi Negeri Sabah (UPEN).

Sebagai tanda prihatin UMS terhadap ancaman dan

pencerobohan bersenjata sebagaimana yang berlaku di Tando, Lahad Datu, universiti akan sentiasa berkongsi maklumat dengan pihak keselamatan negara.


Sedari awal, UMS banyak melakukan penyelidikan berhubung hal-hal keselamatan dengan data-data yang dikumpulkan mempunyai pelbagai input yang boleh menjadi perkongsian untuk manfaat dan keharmonian tanah air.

Sempena ulangtahun UMS yang ke-20 pada tahun ini, satu pelan transformasi penjenamaan universiti juga akan diadakan yakni melibatkan penukaran nama-nama kolej kediaman yang dahulunya dikenali mengikut abjad ABCD dan E. Kolej AB ditukar nama kepada kolej kediaman Tun Dr Mahathir manakala kolej CD ditukarkan kepada Kolej kediaman Tun Mustapha dan kolej E diberikan nafas baharu sebagai kolej kediaman Tun Fuad Stephen.

Turut mengalami transformasi ialah nama sekolah yang ditukar kepada fakulti bagi merujuk kepada sekolah pengajian. Penjenamaan semula ini bertujuan memastikan UMS bergerak lebih pantas dengan beberapa rombakan besar yang akan dilaksanakan melibatkan penstrukturan semula setiap sekolah bagi membentuk beberapa buah fakulti baharu.

Sesungguhnya, perjalanan UMS yang pada awalnya hanya sekadar impian, kemudian lahir dengan status menumpang, sebelum berdiri gagah di Teluk Sepanggar, nyata memberikan impak besar dalam pola socio-ekonomi dan pendidikan masyarakat di negeri Sabah.

UMS akan terus bertekad cemerlang sebagai pusat penyebaran ilmu dalam membangunkan modal insan seiring pemeraksanaan penyelidikan yang berimpak tinggi. Sumber yang ada dikaji, ilmu di minda dikongsi, teknologi yang ada diinovasi sekali gus merubah idea menjadi realiti.



(Gambar atas) MAJLIS Konvokesyen di Dewan Canselor.

(Gambar kanan) BANGUNAN Canselori dan Dewan Canselor.

